



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Contact Numbers pawimaw : DC/CCPur : 03874-234234 SP/CCPur : 03874-236747 Police Station : 03874-202248 SP Control Room: 03874-233239 Dist. Hospital Casualty : 03874-233370 Fire Brigade : 8974 147 799/ 8258 057 887 / 8974 103 600 SP Hotline Number 7085-256-377

Hmasawanna Thar Vol - 32/221

Churachandpur

email : hmasawnatharnews@yahoo.com

Phone: +91-3874-236846

Rs 6/- per copy

Nurses One Hour walk nei



CCPUR: World No Tobacco Day 2017 hmang ding le inzawmin National Tobacco Control Program (NTCP) hnuoia District Tobacco Cell, CCPur hmalknain zani 10:30AM a inthawk khan Nursed One Hour Walk nei a nih.

Nurses One Hour Walk hi Dr Kim Simte, CMO, CCPur in Police station, CCPur-a inthawk a vaiilem a, Tiddim Road zuiin Dorcas Hall, New lamka chen "Anti-Tobacco Campaign" tum tum inziekna Placard chawiin Women Police han hma thuoilin Nurses han lampui hrawna an nei.

Nurses one hour walk a hin Bethesda Collge of Nursing le GNM Nursing School haia inthawk student hai khawm an thang. World No Tobacco Day hi wawisun 10AM hin District Hospital, CCPur MS Conference Hall-ah hmang ning a ta, hi huna hin Shyam Lal Poonia, IAS, DC, CCPur khuollienin thang a ta, Dr Kim Simte, CMO, CCPur functional President in thang a ta, Dr. J. Son Gokham Samte, Medical Superintendent, District Hospital le Rakesh Balwal, IPS, SP CCPur hai Guest of Honor le Special Invitee in thang an tih.

Bandh-in nundân pangngai a chawkbuoï State Cabinet-in Bandh 'danlo le hrem thei' a puong dingin thutlukna a siem

IMPHAL: Manipur ah BJP sawrkâr thar hung um a ta Bandh le Strikes hai khawm hung tlâwm sâwt tang a ta, development khawm hrât lema fepui thei ni tang a ti tia mipuiin beiseina insang-tak an nei laini pasal pakhat Mr H. Priyokumar @ Yaima thina leia JAC-Heingang in All Manipur Bandh a puong chun zanikhan Imphal phairuomah nundan pangngai a chawkbuoï hle.

Ei thu dawngnain a hril dan chun, Bandh lei hin motor inlawm vel le dawrkai tamtak a chawkbuoï a. Hmun thenkhata chu a hrât em em a, hmun thenkhata ruok chu a hrât bek naw niin a hril. Office iemani zat an kai thei nawh a. Imphal le Churachandpur inkar khawm motor an tlân tha ngam naw lein tamtak Imphal fe ding an kir pha baw.

Churachandpur khawpui sung chu dawrkai le ni tin sinthawnahai buoina iengkhawm a um nawh a.



Imphal fe ding thenkhat an buoi ti naw chu buoina lien taluo hriet ding a um nawh. National Highway zula veng, Sangakpham, Khabam, Keirang le Heingang haiah Bandh thawtu tamtakin motor tlân vel hril hrim an dang/khap vawng a. Motor tyres hai rawin, thingkung tanbawng hai lampui-an sie a, motor tlân thei an um nawh. Imphal East district sūnga school le office tamlem chu an inkhâr vawng.

Police-in lampui dangnahai chu motor an tlân theina dinga lak dawm an

inhailum sa hmu a nih. Bank CCTV footage a inthawka an lang dan chun, Bank a inthawka a suok lai chen hmu a nih a. A hung chaw a motor a khal suok bawm nawh. Police chun an hmang dan le thi dan an sui-zui meka, felfai taka hriet a la um nawh.

Mr Yaima thina thu le inzawmin, tuoltathuhai mana an phu tâwk hremna pek dinga nengin thungbama nuorna nei a nih a. Hi thu le inzawma JAC indin chun Chief Minister inhmupui an tuma chu a lo um naw lein Principal Secretary (Home)

inhailum sa hmu a nih. Bank CCTV footage a inthawka an lang dan chun, Bank a inthawka a suok lai chen hmu a nih a. A hung chaw a motor a khal suok bawm nawh. Police chun an hmang dan le thi dan an sui-zui meka, felfai taka hriet a la um nawh. Mr Yaima thina thu le inzawmin, tuoltathuhai mana an phu tâwk hremna pek dinga nengin thungbama nuorna nei a nih a. Hi thu le inzawma JAC indin chun Chief Minister inhmupui an tuma chu a lo um naw lein Principal Secretary (Home)

an inhmupui a. Ni thum sūnga tuoltathuhai mana dan anga hremna pek an ni naw chun Bandh an thaw ding thu an hrillawk angin, May 30 a inthawk khan Bandh hi an tan tah a nih.

Cabinet-in Bandh Khap: Hieng laizing hin Manipur State Cabinet chun, Bandh leia mipuiin harsatna an tuok zing zing-na le inzawmin hriltlangna a nei a. Inzaumtak tak tak state pathum High Court, Kerala, West Bengal High le Meghalaya hai thurêl zulzuin, tuta inthawk chu Bandh/Strike hril hrim 'Danlo le hrem thei' ang puonga, mipui harsatna, khawtlâng buoina le sietna le inhmangnahai hrim hrim chu a thawtu (hai) maw-phumna siena ding le action lak theina ding "Dan Thar" siem a rel.

Hieng bâka hin, Bandh thawtu hai chun Bandh leia thuumhraw le hring-na inhmang hrim hrim an chaw (thunglet) na ding le, Bandh thawtu man le thiemnaw inchangtirhai chu sawrkâr sin nei thei lo ding le, hamthatna po po dawng lo ding le criminal case inawrtir peina ding dan khawm siem a rel baw.

Cabinet chun, Bandh thaw hi India Danpui (Constitution) Article 19 le 21 hnuoia mipuihai Fundamental Rights khuokhirna le lakpekna a ni thu a hril a. Supreme Court khawmin Bandh chu unconstitutional le illegal (dinin a phal lo) a nih a, miin Bandh leia an hmang po po chu Bandh thawtuin a thung/rul vawng dingin a lo rel tah niin a hril baw.

Bandh thawtu haiin Bandh thaw theina dingin Dan hmanga dikna neia an inhrieta, an kutah Dan an chelek (tum) a nih chun, sawrkâr chun mipui hmak-huo ngaina lein lo thei lovin an chungah action lang a tih, tiin a hril.

CHANCHIN LAKTAWI JSY-JSSK baglog May 2017 sem ding

CCPUR: District Hospital, CCPur-ah nuhmei naupai le naunei hai kuoma thanguina pek hlak Janani Suraksha Yojana/Janani Shishu Suraksha Karyakaram (JSY-JSSK) baglog May 2017 a mi chu May 31, 2017 a inthawk hin sem nawk ning a tih tiin concern officials han inhrietirna an siem. Sum la ding han lekha pawimaw documents tul hai chawia sum hi lak thei ning a tih.

CCPur-a Pharmacy hai an khar tawl

CCPUR: All India Organization Of Chemists And Druggist (AIOCD) in India ram pumpui huopa zanitia nihkat sung aw nuorna an nei chu Churachandpur Chemist & Druggist Association (CCDA) khawmin an thlawp ve lein zanikhan CCPur khawpui sunga pharmacies hai chu an inhawng tawl nawh.

HWC In Sudden Muanga Chawimawi Ding

CCPUR: Hmar Writers' Club (HWC) chun Zoram khawvêla literature tienga lo thaw hlâwk em emutai laia pakhat, Tribal culture le Western culture inkal der lova Zoram politics a nina ang char char a ru inlang rawt rawta a ziek khawm mi lung suksen neka suknuu lemto Pu Lalsangzuala Varte (Laisazawk's SUDDEN MUANGA comics hmu-suoktu), Treasurer HWC chu Nilaini dar 1:00pm hin chawimawina inhlan a ni ding niin chanchin ei lo hriet.

GAS NEWS
Agency : SAS
Booking : 5th. FEB., 2017 to 5th. March, 2017
Delivery: 31-05-2017 (WED)
Time : 9AM-till stock
STOCK : 306/ rate: Rs. 784
First come first serve

GAS NEWS
VANGSEI INDANE
K. Salbung
Booking : 23-04-2017 to 25-04-2017
Delivery: 31-05-2017 (WED)
Time : 9AM-till stock
STOCK : 306

Cyclone 'MORA' in hmun thenkhat a nuoi



CCPUR: Met Department in mipui hai fimkhur dinga a lo hrillawk ta angin May 30, 2017 Bangladesh a inthawka hung inthan Cyclone 'MORA' in Odisha, West Bengal le India hmarsakbiel hmun thenkhat a nuoi a, Manipur-ah Chandrel District a Dingpi area hmuna In iemanizat a mutsiet bakah lo thlai tam tak a suksiet a,

Mizoram-ah Saiha district a chun hospital fencing le Hospital building hai a mutsiet bakah Singat Sub-Division sunga Kangkap khuo khawm thlihhrang hin a nuoi a, ieng iem a mutsiet ti hi thu ei sut chena hriet theina ei la nei hri nawh. NDMA, New Delhi in a hung inhrietir dungzui-in DC, CCPur khawmin SDOs/DLOs hai chu an

biel sung chita thil lung hai enkai a, daily report pe dingin Shyam Lal Poonia, IAS, DC, CCPur chun an hrietir a nih. Bangladesh a chun zani zingkar khan Cyclone Mora hin Cox Bazar-a Kutubdia hmun a nuoi lein mi 5 in thina an tuok bakah in 20,000 vel a suksiet niin ei thu dawng-na chun a hril.

Manipur Old Age Pension sum sem ding

CCPUR: June 1, 2017 a inthawk khin Churachandpur District sunga Manipur Old Age Pension Scheme (Purple Card holders) hnuoia pension sum March, 2016-February, 2017 inkar, thla 12 sunga mi, thla khatah Rs. 200 pei, a reingin Rs. 2400/- District Social Welfare Office, Chiengkopang, Tipaimukh Road, CCPur hmuna sem ning a tih. Pension sum la dinghai chun Old Age Card, Pass Book le Aadhar Card (Xerox copy) chawii ding a nih tiin DSWO, CCPur chun

inhrietirna a siem. Pensioner mania sum va la theilo dinghai chun June 12, 2017 chena hnina lekha DSWO, CCPur kuomah pek lut ding a nih. Hi thil hi enfel zovah pension sum hi pek ning antih. Pension sum hi nitin dar 10:30 AM to 3PM inkar sunga sem hlak ning a tih. Sum sem dan ding chu CCPur A/C: June 1 & 2, 2017; Tipaimukh A/C June 3, 2017; Saikaw A/C- June 5, 2017; Henglep A/C June 6, 2017; Thanlon A/C June 7, 2017 le Singat A/C June 8, 2017 ning a tih.

JPO in inpawlkhawmna an nei



CCPUR: May 30, 2017, 4:30PM khan CCPur district sunga tlawmngai pawl hai inthlungkhawmna Joint Philanthropic Organisation (JPO), CCPur chun KKL Complex, IB Road, CCPur hmuna inpawltlangna le bufaktlangna an nei. Hi huna hin JPO members tam tak an thang. Upa Laldawnlin Varte, President, HYA GHQ in tawngtaina a nei zoin hun hmang tan a ni a, Chief Convenor Lianzala in a keihruoi

a, JPO hmalakna le hmatie peia hmalak dan ding le thu dang dang hrilin inpawltlangna hun an hmang. Manipur sawrkarin Anti Tribal Bills a passed leia buoina nasa tak hung suok le inzawma JPO in mawphurna pawimaw tak a lak zo hnungah martyrs hai ruong vui zo a nita le inzawma JPO hin inpawltlangna le bufaktlangna an nei a nih. JPO hi kum 2008 a indin a nih.

Dr V. Jamthianlal in DMO/CCPur



CCPUR: District Malaria Officer (DMO), CCPur dinga ruot thar Dr V. Jamthianlal chun May 30, 2017 khan joining report pein office a kai tan nghal. DMO/CCPur sin chel lai Dr Liankhojam Guite CMO Pherzawl district dinga sawn a ni lein DMO sin hi Dr Kim Simte, CMO/CCPur in hun iemanichen a lo chelsa a nih.

Tuivai vadungah changsuolin a tla hlum

CCPUR: Pi Lalruotmawi of Parvachawm chu May 29, 2017 zan dar 6 vel khan Daido le Chiepuoi inkar Tuivai vadungah changsuolin a tla hlum niin ei thu dawngna chun a hril. Pi Lalruotmawi hi tuta Rev. Rohminglien pakhuongte of Pinehill, Sielmat, CCPur pansak laia um Nk. Lalrammawi a nu a ni a, zani zingkar khan Nk. Lalrammawi le a sang Israel haileh mi 10 vel chun Pi Lalruotmawi thina le inzawm hin Parvachawm an pan. A ruong hi nasa taka zawng a ni a, hi thu ei sut chena hin hmu ani thu hriet a la ni nawh.

Cabinet-in Internal Finance Division indin dingin a rël

IMPHAL: Manipur State Cabinet chun, sawrkâr department pawisa hai indik taka hmang le control a ni theina dingin Department tinah Internal Finance Division (IFD) indin dingin a rel. Financial management system thalem siem a, sawrkâr department budget hai tha taka control a ni theina dingin Accounts, Budget, Audit le Planning section hai po po chu Internal Finance Division (IFD)

sūnga khum lut vawng ning an ta. Manipur Finance Service officers hai rawnin an thiemna hmang tangkai ning an tih tiin a rel baw. Cabinet chun Manipur Sports Authority indin a remtih baw a. Hi Authority hin thalai tamtak competition hran hrana an thang theina dingin annual sports competition hai huoihawt a ta, games and sports-a talent nei thahai zawng dawkin, sawrkâr le

private sport authority/organization hai le inzawmin PPP sukhratin, sub-division, district le state level-a sports sukmasawng dingin hma lang a tih. Footballer Ms O. Bem-bem Devi, Head Constable (MP) chu Asst. SI-a hlangkai ding le, Martial Arts thiem, Super Fight League champion Mr Kario Issac Maheo, s/o L Ashikho Mao of Karong, Senapati dist. chu Sports Quota ah Sub

Inspector sin pek remti a nih a. Tourism department a thawktu thenkhat pay scale (revised) suksâng le, court thurêl angin helpawlhai kuta thi Riflemen thenkhat nuhmei hai 1997 a inthawka Special Pension pek ding tihai khawm ta a nih. District siem thar pahni Kakching le Jiribam haiah, ramri umsang angin Zilla Parishad pahni thar siemin tu kum election nei dingin a rel baw.

Central-in Silk Production ah Thangpui an tiem



IMPHAL: Union Minister of State of Textiles, Mr Ajay Tamtak chun Manipur ah tuktulung vai le patzai siemnuokna (Silk production) ah state-in tamtak a thar suok theina dingin sawrkâr thlungpui chun hung thangpui an pei zing a nih, tiin a hril. Hi thu hi Regional Oak Tasar Research Station (RTSR), Mantripukhri a sir tuma a hril a nih a. Manipur chu North East pumpuihai Silk produce rawntak a ni thu le Silk chi hran hran a uma, chuonghai chu scientist han zawng dawka a nêka tam lem thar suok thei a ni ding thu a hril baw. Minister chun patzai siemna dinga tuktulung vai

hin mi tamtak sin a pek thei a. A nêka tam lem in thar suok theina ding a tul ang ang sawrkarin a hung thangpui ding cheu a nih tiin, Oak Tsar Grainage, tuktulung vaina hmunhai khawm a sir baw. Minister hi Commerce minister Th Biswajit le Sericulture department official han an zui. Sericulture department hotuhai chun Hotel Grande-a inbiékna neinin Minister hi state ngirhman le harsatna chi hran hrana le opportunity umhai an hril a., Minister Mr Ajay Tamta chun, a tul ang angin, Sericulture le Handloom sector ah sawrkâr thlungpuiin a hung thangpui ding thu a hril nawn.

NEC Meeting-ah Governor le CM hai an thang

IMPHAL: Manipur Governor Dr. Najma Heptulla le CM N. Biren Singh hai chu zanikhan New Delhi-a North Eastern Council (NEC) 66th Plenary meeting-ah an thang. Dr. Najma Heptulla chun "Flying Doctors" or "Air Dispensary" nei a pawimaw thu, NE bielh tourism suk hmasawna dinga thangruol a tul thu le sum tam lem pek a tul thu hai a hril. CM N. Biren Singh chun NE biel harsatna chu helpawl hai chetna a ni thu, National media han Manipur thatna an zieklang tlawm leia Manipur puoyieng mi han ngaidan tha lo an nei pha

tho, Delhi le Imphal inkara infepawna siem that zuol a tul thu le tourism suk hmasawna a hrillang. Chun helpawlhai umna san chu tuta hmaa NE mihai ngaitiha an ni lei a nih tiin a hril. Infepawna lampui that nawzie chu hril lova hmang, Imphal le District HQ infepawna tak ngiel khawm tha lo a nih. An pawimaw chu sin tam lem siem le hmasawna uor zuol a nih tiin a hril baw. Sawrkâr thlungpui officer lien hai chu NE bielh inzin a, mipuihai mamaw le harsatna hai chu Union Ministers le PM hai hril dingin N. Biren Singh chun ngenna a siem.

Sin zawnga inziek lu tlawm tieng an pan

IMPHAL: Manipur-ah sin zawnga Employment Exchange haia inzieklu tlawm tieng an pan. January, 2017 thla sung khan Manipur Employment Exchange hran hran haiah sin zawnga inzieklu mi 4,080 an um a, December, 2016 a inzieklu chu mi 13,048 an tling phak.

Employment Exchange a inzieklu tlawmna tak chu Senapati District a ni a, mi 3 an inzieklu tiin Additional Director of Employment, Manipur chun a hril. December, 2016 leh khai-khin chun January, 2017 a inzieklu hi an tlahnuoi hle a nih tiin a hril.

ECT in Graduation-cum-Commisioning an hmang

CCPUR: Evangelical College of Theology (ECT), Nehru Marg, CCPur chun zani 10:30AM khan ECT Chapel, Congregational Centre-ah ah "As The Father Has Sent Me, I Am Sending You" ti thupui hmangin Graduation-cum-Commissioning Ceremony an hmang a, Rev Dr Lalrosiem Songate, Principal, ECT chun graduate student hai degree inhlanna a nei a, Rev. Dr Kaitinkap, General Director, ECCI in

an graduates hai ta dinga tawngtaipekna a nei a, Rev. T. Kamgin, Gange, Registrar in award puonglangna neinin Elder Er Lalthanzam Amo, Chairman, BOT/ECCI in award semna a nei. Zanita ECT a inthawk graduates hai lai hin Master of Divinity (M.Div) zo 15, Bachelor of Theology zo mi 5 an thang. Degree baka hin Donors award chi tum tum hi huna hin sem a ni baw.

ICAR Seed Processing Unit hawng

IMPHAL: Dr. Trilochan Mahapatra, Secretary DARE & Director General ICAR chun zanikhan Indian Council of Agriculture Research (ICAR) Complex, North East Hill Region (NEH), Lamphelpat hmuna ICAR Seed Processing Unit a hawng. Hi huna hin Chhabilendra Roul, IAS, Additional Secretary DARE & Secretary ICAR, Dr A.K. Singh, Dep-

uty Director General (Agricultural Extension) ICAR, Dr K. Alagusundaram, Deputy Director General (NRM&Agriculture Engineering) ICAR le Dr S.V. Ngachan, Director ICAR-RC-NEH Region, Meghalaya hai khawm an thang. Chur, Farmer's Hostel for ICAR Research, Complex for NEH Region bawlna ding lungphum khawm phum a nih.

VAWISUN THUPUI

Lalpa tina chun nihai chu a suksei a, misuol kumhai ruok chu suktawp ning a tih. Mifel beiseina chu lawmna ning a ta, misuol beiseina ruok chu bohman a tih. Lalpa lampui chu mifel ta ding chun kut ngheetak a na, amiruokchu suolna thawtuhai ta ding chun bohman a ni.

- *Thuvarhai 10: 27-29*

Editorial

Tawng dang dang thiem a pawimaw

Tawng hin inunauna, inhmangaina le inlaichinna tha lem a siem thei. Hi lei hin tawng dang dang thiem hi a pawimaw em el a nih. Tawng inhrietpawhai chu tawng inhrietpaw lo hai nek chun an inhmangai lem a, an inlaichinna khawm a tha lem hlak. Tawng hran hran ei thiem chun ei ngaituona le ei khawngat khawm a hlain a lien lem hlak. Mani tawng nginat, ngaisang le ngaipawimaw ding a ni lai zing tawng dang hriet le thiem sa a pawimaw a nih ti khawm hi hriet tlat ding a nih. Tawng dang dang thiem hai chun mi nginat le ditsak an hlaw nge nge hlak. Zohnathlakhai hi khawng-hat chin le thlierkar lungril put ei ni leiin midanghai pawimawna hi ei hriet naw der a, mihai tawng hriet, thiem le inchuk hi ei rin a, harsa ei ti hle hlak.

Manipur State a cheng ei ni a, Manipur mi ei ni chun a state tawng Manipuri chu lo thei lova ei hriet le ei thiem a tul a nih. Ei state tawng a ni mieu si leiin hmusita deusaw chi a ni nawh. Hriet le thiem hi tum ngei ngei ding a nih. Manipur a Naga-hai chu an tawng inhrietpaw lo le an tawng senga inhrietpaw thei lo an ni leiin an inhrietpawna tak chu Manipuri or Meitei tawng hi a ni leiin an inhrietpaw an thiem tlang seng. Hi hi Zohnathlakhai neka an vangneina a nih. Meitei tawngah harsatna an nei naw leiin ei ni rawi nekin Imphal khawpuiah khawm an tlangnel lem.

Zohnathlakhai lai khawm unau Kuki-Thadou hai Meitei tawng hi a hrie le a thiem an tam lem bawh. Hi lei hin an tlangnel lem a, office fe dan kalhmang khawm Zomi le Hmar hai nek chun an inhrietpaw an thiem lem. Hieng a ni lei hin Zomi le Hmar hai hin Meitei tawng hi namul lova hriet le thiem ve ngei ding a thiang ei lak nasat a tul a nih. Bu fakna khawp chau le bazar kai theina tawh chau ni lovin thu tak le thupui hriet theina khawp ei thiem le hriet ve hi a tul a nih. Tawng hriet tawm le tawng thiem tawm hi mawlna chikhat a nih. Tawng hran hran ei thiem naw leiin ei chengna ram pelah chun ei inzum duk el hlak a nih.

Tawng dang dang thiem le hriet a pawimawzie chu Manipur state ei pel charin a hung inlang hlak. Manipur ram ei pel ta chun Assamese, Bengali le Hindi hre lo le thiem lo hai ta ding chun tawng thwah harsatna ei tuok hlak. Tawng ei thiem tawh naw leiin state dang chun ei inzum duk a, ei huoisenna khawm a hung tlahnuoi a, ei thaiddawp a, ei mikhul duk el hlak. Hieng a ni lei hin tawng dang dang hi inchuk rin der lo ding a nih. India rama ding chun Hindi le sapawng hi chu thiem le hriet ve ngei ngei chi a nih. Tawng ei hriet rawn a, ei thiem tam po leh India ramah tlangnel thei ei ta, a chawngpu ei insak thei ding a nih. Lekha inchuk mekhai khawma ei subject-hai chau hriet le thiem tum lovin tawng dang dang hai hi hriet le thiem sa tum ngei ngei ding a nih.

Ram pakhat, India ramah hin hnam tum tum cheng-tang ei ni a. Hieng hnam hran hran hai inkarah hin inunauna tha lem, inlaichinna tha lem le impukhatna tha lem ei nei a tul a. Chu chu ei ram sawrkar hin a ngaipawimaw hle a. Hi lei hin National Exchange Programme le National Integration programme hran hran a buotsai hlak. Hi huna hin tawng hran hran thiem a pawimawzie a hung inlang hlak. Khawvelin hma a sawn le a changkang ang peia tawng chi tum tum hai khawm hi ei hriet le ei thiem pei a tul a nih.

Sumdawngna thil, lekha inchuk, sin zawnaga le khuol inzinna haia khawm mi tam lem ei buoina le harsatna chu tawng chungthu bawh hi a ni hlak. Tawng ei thiem raw chun ei chang a par naw a, ei thaw ding ang khawm tha takin ei thaw thei naw rawp hlak. Hnam dang tawng hi a tam thei ang tak inchuka thiem tum ngei ngei ding a nih. State dangah ei fe a, tawng thwah harsatna ei nei tlat si chun a nina ding ang takin ei inpaw phak naw a, ei innel naw a, chu thil chun harsatna namen lo a min thun hlak. Tawng dang dang thiem hi hmasawna pakhat a nih.

ALL INDIA RADIO- CHURACHANDPUR PROGRAMME

Date: May 31, 2017 (Nilaini)

TRANSMISSION- FM-101.4 Megahertz

Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcement
5.00pm	P	Hymns to God: (Thadou) T. Hoikholing & party
5.05pm	P	Local Announcement/Prog. Summary
5.10pm	P	Minor Dialect (Mizo): VS Neikhuma & party
5.25pm	P	Science Hints (Thadou): "Organic farming-basic step and its advantages" - by Esther Hingboi
5.30pm	P	PAITE Prog. Sig. Tune & Announcement Announcer: Ngainunsang 1) TG Lian Valte (mod) 2) Lalnunmawi Guite (mod)
6.00pm	P	HMAR Prog., sig. Tune & Announcement Announcer: Olivia 1) Robert R. Songate (trad) 2) J. Lalrothang & party (trad)
7:00PM	P	THADOU Prog., sig. Tune & Announcement Announcer: Nehkholaet 1) Lenjathang Haokip & party (trad) 2) "Youth and work culture today" by H. Doungel Farm & Home: Thadou

Editorial Board

Lalmalsawm Sellate: Editor & Publisher
Roding L. Sellate: Jt. Editor
Joseph Joute: Freelance
Lalsawm Pulante & Samuel Zothangliem@SZ Zote: Sports
Lalruotlien Dulien: Computer Assistant
Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

SAI HLA SUINA

-Ramthienghlim Varte

Nunhluu sui hi sahliem hnung sui leh an ang naw deu hlek a, tuta sai hla DITE KANGAI EM CHE-1 thu le hla hih ei sui ta rau rau si chun lungdi ngaina nunhluu liemhnung dawnkhwai a, a panser bukhuorhai a thar a thar a ramtin ramtang a hung hersuok pei bakah sunzawm ding tia suktawp a ni bawh leh ka la hung bawzui pei a nih.

BIS SAL KA PAHELE :

December 2011 khan Ofis thil le inzawmin Aizawl ah inzinin kar hni veng vawng ka cham a. Bollywood film (Hindi film) ei en chang a an hril uor em em **Bis sal ka pahele** (Kum zawmni liem tah a) an ti hlakhai ang deuin keikhawm kum sawmni chuong er-awr liem tah HSA thuoitu ka ni laia hi hla thu le inzawmna nei ruolhluu (Lungdi -Dite) Aizawl khawpuia khawsa ve tah hai dam kan hmupui tawh a. Hmel danglamna tlanga inzin ang elin piengphungah a hmelthatna le mawina lo chuoi deu ta sienkhwam inggainatna ala bo chuong nawh. *Luahlo Lungdi* lungbawra hmangaina le lungsietna n bu a lo khuor det tlat tah chuh kum tam le hmelin umzie a nei der naw a, thisen zungzama ei in khina Pahla-a a rikna khaw a la danglam chuong bawh naw leiin in chibai khawm a kum sawmni chuong er-awr liem tah a nunhluu hai a kei thova uor uor leiin a khin tup bikin an lang a, lung an leng vawng vawng el. Hi nun ram hih hmangaina tui puia sil nenga inhlieu le changtuhai chau naw chun an hrietphak ka ring nawh. Inthuk tak a nih.

Aizawl ka cham sung khan ruolhai mi hrietpui lovin khawsawt-lunglengna tlanga nun kho-in-kham tak leh hun ka khawral a. Nunhluu liemhnung zil ang kova kirzai reng rel ta ngai lo, hmangaina Phunchawng par kur duom duom tlan a kumtluong runhmuna leng dinga beisei le ngakh hla, duthusam tlang zo lova inchekpui tlawk tlawk theinghil thei lo nun rama chulram fang hi lung an lengin ring nekin khawsawt a lo um a, lungbawr a sun ngawi ngawi hlak.

LUAH LO LUNGDI

Pa lungleng le khawsawt thei tak Pu H. Thangluaia AIR-a Director sinhawka Shillongah a um lai khan a tleirawl nun hai dawnkhwaiin a lung an leng thei em em a. Mizo hla kungpui tia vawisun chena thangtharhai hriet lar Lalzo hlapuok Luahlo Lungdi ti **'Tawn mang em ni lunglem ka nei lo, ka hawi vel a ka tawng si lo, Zunleng e rawh a cham reng thin/tang lai a, Luahlo lungdi ngihli ni awm lo'** ti hla khawsawt em ema a mi sakpui hlak khah ka hrietthiem puive thei tah a nih. Hi hla le inzawm Zoram khawvel -8, Bung 23na peh 234-a LUAH LO LUNGDI ti thupuaia hmangin pa lungleng le khawsawtmi Pu LK khawmin hiengang hin a tupa le an chanchin a ziek nghe nghe. *'Ka tupa Prof. Lal Dena, Manipur University, History Department nen tlai khat chu he hla hi 1999 khan Delhi tlangah thi takin kan sa a. Chumi tum chuan duthu ropui tak a sam a. Chu chu, kan hnuokchah lai, khawvel danga kan pem dawn laiin zai thiamten he hla hi sain min awi se, chu ngaihthla rengin bo ta riati riati ila' ti a nih.* A TURU BURU nih.

A phuoktu Lalzo a chanchin le thu le hla a fawmkhawm danhai hih lungsiet a umin lungril a tawh em em el a, khawsawtnga cheng hre manglohai khawma an hriettev reng reng dingin tlawmte hei belsei zawk ei tih.

A hmangai tak Sangzuali a ngai em leiin an chukna sunzawm thei lovin 'Hienga khawsawt ringawta hun hmangral nekin ka chang chang changel ka ti' tiin a thiemzirna hmun Shillong-a hung suoksan hlalw a, hla kulmut tam tak phuokin Indopui-Inna lai bawrvla a hlapuokhai khaw vawisun chen hin a la chuoi thei naw nih. Lunglengna thi em chuh an nawh. Shillongah inthawk East Pakistan (Bangladesh ei ti) piengpangah le lawnga hungin zan tam lampui ah thangan sawl takin an veng a hungtung a. In a tlung le inruolin a dam naw nghan a, khawsikpui hratapaa dam naw a lo ni zing el

Kaitinthang @ Kaia le Dite...ti hla sak lai-Shillong



SHDC Welcome Gate



Madras HC in Cattle regulation law a stayed

MADURAI: Sawrkar thlungpuiin bazara ran zawr control tumna le inzawm May 23, 2017 nia India ram pumpuia Ran that le zawr khapna ding Cattle regulation law notification an suo chu zanikhan Madras High Court-a Justice MV Muralidharan le Justice CV Karthekeyan han stayed (cheltang). Selvagamathi le Asik Elahi Baba han PIL an file le inzawm Madras High Court in a stayed a nih.

PIL file tu hai chun, mi'n a fak nuom zawng a fak chu a dikna a ni a, tukhawmin khuokhir theina a nei nawh tiin an hril a nih. Central government aiwa ngir chun, hi thil hi animal market-a dan loa rana sumdawngna controlna

a. Khawmuol hre mumal lovin 'ka ruol puonvar sil haiin an mi lo ngakh' ti khawp hiele tawng inwai, nunghak-tlangval enkawl ngaiin Hospital-ah a um el tah a. Nk. Sangzuali khawm Aizawl inthawk Shillongah a hmangai tak hmu dinga fe chuh a ruolhaiin a chanchin an lo hril a, a lampui hrawna tieng chun a hung hnawtzui ve pei a. An veng a tlunga a chanchin a hei hriet chun beidawng takin Hospital tieng panin an hei inhmuh chun mihiem pangai anga biek thei ni ta lovin a lu a hung phawng a, iengkhawm hril thei ta lovin a ti ang ngeiin a ruoltha puonvar sil haiin a khawvel silfen hlipin chungtieng t huoin a um tah a nih.

A phuoktu chanchin hrie le a hla thua chengphak khawpa hmangai nunrawngin a sawphriel hrep tah hai chuh ei sak annawleh ngaitlak rawn po leh ditna a zool ting el. Hi nih Pathien hla, sai hla, khawtlang lungleng hla.. reng reng zun/rau thang le thanglo an ang nawna chuh. Kei, Pu LK, H. Thangluaia le Prof. LD hai hih Lalzo a hlapuok zuna intal buoi thei khawpa khawsawt mi, inzak-inphak dawn lova lung lengna hmaikawl hlipa a tak taka phawrsuok ngam kan ni el thei a. Pawi dal raw seh; changtu tam tak an umve tho ti ka hrietchieng em. An ip tut a, an phawrsuok/hril suok nuom nawa mei mei chaw a nih.

WELCOME GATE

A dang la hei belsei pei ka tih. Mizoram HSA Jt. Hqrs. hotu hmasa President term tamtak lo chel tah Pu Latlanchhunga Hmar leh Tarik Ni 8, December 2011 khan HSA khawmpui Lien vawi 53na Sakawrdai, Sinlung Hills Development Council, Mizoram, Headquarter-ah Tarik Ni 9-11, December 2012 a thang dingin Circuit House, Aizawl a inthawk kan suok a. Darlawn le Sailutar inkarah Gate mawi le lientawh taka siem SHDC ramri char ah **'WELCOME, SINLUNG HILLS DEVELOPMENT COUNCIL'** ti kan hei hmu chuh hmulthi an ding sur sur el a. A bula tentui inkhaw thla hieu hieu tuidawna a laksana chuh kutin kan indaw a, kan hei dawngo chun Mizoram-a thisen le nunna tam tak senga ei suoldaw SHDC ramri Gate banhai chuh kuo'n, bieng leh chuktu'o'n thla kan lak mawlh mawlh a. Hienglai hmun hih a nih ruolhluu hai le hravfung leh sawl em em a hi zo tui thieng dawn a kan chawl hadamna hlak khah. A ram le tlang a lan dang nawa chuh lamlienpui Motor lien fe theina dinga Sawrkarin a siem an tah leiin ka mithlala ka suongtuo ang khah chuh a ni thei ta naw a. Hih SHDC a pieng hnunga ka hmu vawikhatna a nih. Chun, ke'n kan hei pen lut a 'Aw kan Hmar ram ...' ti hla sak pumin kan tlan nawk tah a. New Vervek-a inthawk Sakawrdai lam hi kum sawmni neka tam liem tah a a suk-a tunga Di te-ruolhluu hai le kan sulhnung ke lawnga vawi tam kan paltlangna, inngai em em a duthu ai-ang kan samna ram lungmawl le ngaium khah a ni leiin nunhluu liemhnung a thar a tharin a hung tho sung sung a, lung an leng vawng vawng leiin a nih lung lengna hmaikawl hlipa tak ram chulhnung chanchin ei la hei suizui pei.

Chuleiin, Luahlo Lungdi rim innam chin, lunglengmi, inchek hlawk hlakha hi hla zuna in uoi le intal buoi an um thei si chun 'Dite ka ngai em che' Sai hla ei sui hih a kulmut am mut nawh, an ril tam an ril naw tam, phuoktu le hiengang tukvera khaw-eng hmpuok chinhai chun a bebawmtu theinghil theilo a funkhawm rawn em leiin hlasakti hem haiin khawsawt le thiem taka an sak ngaitlak changa nunhluu liem tah hai kei thova zawi rawng rawng a zuna intal buoi nawk el hlak chuh thil awmlo a ni der nawh. Lungleng thlarau chang an ni leiin inthiem hle el ding a nih.... Hui hah.

Tripura in Ran that an khapna dan a zawm naw ding

AGARTALA: Tripura a Left Party sawrkar chun sawrkar thlungpuiin ram pumpuia ran that le sundawng khapna dinga dan a siem chu Tripura state sunga hmang le zawm a ninaw ding thu zanikhan Tripura Agriculture and Animal Resources Development Minister Aghore Debbarma chun IANS a hril.

Ran that khapna dan sawrkar thlungpuiin a siem

le inzawm dan le dun hai khawm sawrkar thungpuiin state sawrkar kuomah a la thawn naw a, hi dan siemna hin state sawrkar rawn a ninaw bawh tiin a hril.

Hi Mi'n a ran vai a zawr theinaw chun iengtin am a ran hai enkawl thei a ta? Mi'n ran an hawk hai chu a that ding a ni le ninaw iengtin am hre thei a ta? tiin Mr Debbarma chun indawna a siem bawh. (IANS)

Pilot pheikawk thisen kai hmu

GUWAHATI: May 23, 2017 nia Tezpur a inthawka vuongsuok Indian Air Force vuongna Sukhoi-30 fighter jet, a umna chin hriet lova inhmang le a hnunga Assam le Arunachal Pradesh ramri laia tla thla hmu a ni hnun-gin thisen kai pheikawk le PAN Card a chawng kang le wallet pakhat hmu a nih.

Hi fighter vuongna tuoksiet tuoka pilot pahni hai chu hmu an la ninaw zing a, zawngna sin sunzawng zing a nih. Siengkham khawmuol thatnaw leiin a tla kan hmu hi ram pik takel a ni bawh leiin duthusamin zawngna sin thaw thei a ninaw a nih. (IANS)

Meghalaya in labours le workers hlaw a sukpong

SHILLONG: Maghalaya sawrkar chun kum 5 sunga a vawihinna dingin a state sunga Labourers hai niitha (wages) a sukpong. Labourers hai hlaw sukpongna hi April 1, 2017 a inthawka hmang tan ding a nih tiin Labour department-a Principal secretary in th-

suok a siema chun an ziek. Hi dungzui hin unskilled category-a minimum wage chu ni khatah Rs. 189; semi-skilled category hai minimum wages Rs. 201, skilled le highly-skilled category hai Rs. 212 le Rs. 235 a ni ding ti a nih.

Delhi sawrkarin zangnadawmna Rs. 5 lakh pek dingin

NEW DELHI: May 27, 2017 zana North Delhi hmuna GTB Nagar Metro Station-a pasal hawnkhatin an vuokhlum kum 32-a upa Autorickshaw driver sung-hai kuomah zangnadawmna Rs. 5 lakh pek dingin Delhi Deputy Chief Minister Manish Sisodia chun a

puong. Thangpuaia sum hi LG-CM's Relief fund a inthawka pek ding a ni thi Mr Sisodia chun a hril a, thina tuok sungkuo hai a sunpui thu a puong bawh. Auto driver kham Metro station laia inzun tlangval pahni hai a, inzun lo dinga a hril laia an vuok hlum a nih. (AIR)

Gujarat board exam-ah nuhmei an thaw tha lem

AHMEDABAD: Gujarat Board hnuoia Class XII exam result chu zanikhan puong a ni a, pasal nekin nuhmei pass percentage an sang lem.

Nuhmei pass percentage 70.88 a ni laini pasal pass percentage chu 47.28 chaw a tling phak. A pumpuia pass percentage chu 56.82 a nih. A pumpuia pass percentage hi nukum nekin an sang met. Nikuma a pumpuia pass percentage chu 55.85 a nih.

Naxals han Chhattisgarh-ah Bus an raw, helpawl 7 man

RAIPUR: Chhattisgarh-a Narayanpur district-a chun zanikhan Naxalites helpawl han Bus pakhat sukchawlin passenger hai Bus sunga inthawk an int umtir vawng hnungin an raw. Bus hi Narayanpur a intawh Orchha pana tlan a ni a, Jhorigaon village huop sungah Bus hi sukchawla passenger hai an intumtir vawng hnunga an raw niin Superintendent of Police Santosh Singh chun a hril.

Hi thil tlung an hriet le inruolin security forces hai chu Bus raw an hmun hi panin dappui nasa takin an thaw nghan. Naxalites hai hin Narayanpur to Orcha inkar lampui siem hi an ditnaw a nih. A san chu hi lai biel hi an inbikrukna hmun a ni lei a nih.

Hieng laizing hin zanikhan Narayanpur village bull ah nuhmei 3 thangin Superintendent of Police Santosh Singh chun a hril. Naxals helpawl 7 security forces han an man. (PTI)

Centre in venghimna pe dingin a hung inhriettri

NEW DELHI: Kum 2011-a tuta Manipur CM hung nit ah N. Biren Singh naupa in a kap hlum Roger sung le kuo han an hringna hima an inhrietnaw thu an hril le inzawmin Supreme Court chun zani hmasa khan Manipur sawrkar chu Roger a sungah venghim dingin a hung inhriettri.

Justice AK Sikri le Deepak Gupta hai chun, Roger sungah venghimna pek chu a suolna a um nawh tiin Additional solicitor general Maninder Singh chu hi chunghthaw venghimna pekna thauh central force am venghimtu pek ding ti thauh sawrkar ngaidan lo la dingin an hriettri.

A san boin tukhawmin Chief Minister chungah intumna siem naw ni hai, an complaint hi ngaipawimaw ding a nih, venghimtu an ngen chun pek ding a nih tiin SC bench chun a hril. Petition petu Irom Roger nu Irom Chitra Devi le a pasal chun, CM hin chu a nina hmangsuol le helpawl hai le inthukawpin an suknawmna niin an intum a nih. Irom Roger kap hlumtu hi jail-ah an tang mek a nih. Tuta hma met kham hi case buoiptu Supreme Court Lawyer pakhat chun helpawl haia inthawk hi case tawpsan dinga vauna a dawng thu a lo hril ta a nih. (TNN)

Zu bottle 6 leh mi 20 man

NAWADA: Bihar-a Nawada district sunga Rajauli integrated check post a chun zanita Police han motor inlawng vel hai an dapnaah nuhmei 2 thangin zu rui mi 20 hai chu Zu bottles 6 leh an man niin Excise Inspector Vinod Khalifa chun a hril. (PTI)

LAKTAWI

TDP Central Committee Chief dingin Naidu bawk

VISAKHAPATNAM: Mr Nara Chandrababu Naidu chu zanikhan Telugu Desam Central Committee President dinga thlangting nawk a nih.

Mr Naidu thlangting a ni thu hi party election officer E. Peddi Reddy in a puong a nih. Mr Naidu hi a hmasa takin kum 1995 khan TDP President (united Andhra Pradesh) dinga thlangting a ni a, hi taka inthawk TDP Chief hung ni ta pei a nih.

Ran that khap thuah Congress in Centre a khak

NEW DELHI: Centre-a BJP inrawinaa NDA sawrkarin India ram pum-pua ran that khapna thu an suo le inzawmin Congress chun , tuta hma khan BJP thuoiu hai khawmin Bawngsa an fak ngei thu an pawm a nih tiin an hril. Bawng sa chungthu hi BJP in an hung tan a ni a, Opposition hai than a nih. Tuta hma khan wavi tam tak Manipur le Goa haiah khawm ran that ban dingin petition kan lo pek ta a, sienkhawm ngaisak a ni nawh. BJP leaders tam tak khawmin Bawngsa an fak ngei ti an pawm - hi hi politics an naw manih" tiin Congress leader Meem Afzal chun a hril.(Agencies)

Srinagar-Jammu Highway khar

SRINAGAR: Tulai hnaia security forces han an kap hlum Hizbul Mujahideen commander Sabzar Bhat le a thawpui pakhat hai sepatist han inzana pe dinga Tral chena lam hraw an tum le inzawmin zanikhan Srinagar-Jammu National Highway chu khar a nih. (PTI)

Wheelchair a intawl Rangkachak a phur lei man

NEW DELHI: IGI Airport-a Custom officials hai chun May 28, 2017 khan wheelchair-a intawl pasal kum 63 mi le midang pakhat hai chu rangkachak kg. 3.5 a rik, Rs. 93 lakh manhu ding tawruk tuma intumna lein an man.

Rangkachak hai hi wheelchair a intawl putar kekawr bul (shorts) -a thupruk a ni a, thu indawna nei a ni hnungin a passenger chapui dang pasal pakhat an mansa nawk a nih.

Mana um wheelchair-a intawl pa hi Puducherry mi a ni a, Dubai-a inthawk IGI Airport, New Delhi hung vuonglut a nih tiin Deputy Commissioner of Customs Govind Garg chun a hril. (TNN)

Jammu-ah sim-khawlei an hning

NEW DELHI: Jammu a chun zani hmasa zantieng 7:23PM khan Udhampur district lai simkhawlei 4.4 richter scale a hratin an hning a, sienkhawm thi le hliemna tuok an um thu hriet a ni nawh.

Assam Class XII result puong; Ar le thlahnaa fee pe hlak naupa Science topper a nih

GUWAHATI: Assam Higher Secondary Education Council (AH-SEC) hnuoihawna hnuoia Class XII Exam result chu May 30, 2017 khan puong a ni a, school fee pawisaa pek ding nei ngailo, a pa in a school fee dinga Ar le Um chikhat (gourd) an ti chaua fee pe hlak mi pasie nau Rajababu Saikia chun Science stream-ah full marks 500-ah marks 482 hmuin topper a nih. Rajababu Saikia hi Nagoan district-a Ramanujan Junior College-a kai a nih.

Science topper Rajababu Saikia pa Jantu Saikia chun Class X chungtieng a naupa lekha in-chukna ding a suktuo zo tanaw

lein Ramanujan Junior College principal Dilip Kumar Bora inhmupuiin free education pe dingin a va hni a, naupang lekha thiem thei takel a ni lein a thlawna school inkaitirin Hostel-ah a thlawmin an um tir bawk a. Pawisa a nei sinaw lein Jantu Saikia hin a naupa a va kan hunah lawmthu hrilnaw Ar, um chikhat le thlahna a chawipek hlak a nih. Chuong hai chu a naupa in Class XI & XII an chuknaa fee anga a pek umsun chu a nih. Rajababu chu a hlawtingna le



Arts stream a topper chu Alaka Das of Krishnaguru College niin marks 480 a hmu a, Sobina Yashmin of Brilliant Academy le Ankit Mitra of Genius Academy, Lakhimpur hai chu pahinna le pathumna niin marsk 478 le 477 an hmu. Commerce stream a chun Prashant Goel of KC Das Commerce College chu pakhatna niin marks 471 a hmu a, Saurav Paharia of Brilliant Academy le Pinkey Debnath of K C Das Commerce College hai chu pahinna le pathumna an nih.

Science stream a pass percentage 86.24 a ni a, Arts ah 73.16% le Commerce-ah 82.72% a nih.

Demolition case-ah bail phal pek an nih



NEW DELHI: Senior BJP le VHP leaders LK Advani, Dr Murli Manohar Joshi, Union Minister Uma Bharti, MP Vinay Katiyar, Vishnu Hari Dalmyia le Sadvhi Ritambhara hai chu zanikhan Ayodhya demolition case-ah Lucknow hmuna Special CBI Court hmaah an inlang a, Court chun bail-a suok a remti pek.

Hieng thuoiu hai hi

India flag lim Pheikaw bawm hmangtu case siemkhum

JAIPUR: Rajasthan-a Kota City Mall-a dawrkai pakhat chun a pheikaw zavr hai funna (card box) ah India flag lim a bel lein Vigyan Nagar police han Prevention of Insults to the National Honour Act, 1971 hnuoih FIR an file khum.

Hi thil report petu chu Kranti Tiwari a ni a, report a pek le inzawm hin Police hai chu May 28, 2017 zan khan City Mall-a Shop number 24-ah lutin intumna hi an dik le diknan an enfel a, chu hunah hi dawr neitu Mahesh chun a pheikaw zavr bawm haiah India flag (tricolor) a bel ti an sukchieng hnungin dawr neitu hi FIR an file khum a nih. A pheikaw bawm haia hin India Flag lim inbel sienkhawm a pheikaw zavr hai chu China siem (China made) an ni a, Police chun hieng pheikaw hai a lakna wholesaler phone number le address khawm an indawn a, police chun Mahesh hi thu indawna nei dingin an ko a, thu indawna neizo pha man a ni ding thu Police chun an hril. (TNN)

Panama dictator hlui Manuel Noriega a thi

PANAMA CITY: Panama dictator hlui, kum 1983-1989 sunga Panama ram lo awptu dictator hlui Manuel Antonio Noriega chu zani hmasa kham kum 83 mi niin Panama City a Santo Tomas Hospital-ah a thi. Mr Manuel hi March thla kham a thluoka thi in-bawk um operation thaw a ni a, sienkhawm hung dam tha mumal thei ta lova a um hnungin Thawtanni zan kham a thi a nih.

Manuel hin ro a rel sunga mi tam tak that le tam tak an umna chin hriet lova an inhmangna lein jail-a khum a ni a, sienkhawm a hriselna thatnaw lein February 28, 2017 a kha temporary -a jail-a inthawka insuo a nih. Mr Manuel in nun-



rawng taka Panama rama rorelna a kengkaw leia mi tam takin thina an tuok lei kham US sipai han lutchilin December 1989 kham a rorelna chu an phethtluk a, January 1990 kham US sipai hai kutah an pe a, hi zo hin US tieng thuoi niin drugs sundawngna, sum le pai chawckharawina le mi tam tak thina thaw thiem-naw inchangtira um le jail-a khum a nih. (AFP)

North Korea-in US "Thilpek" Lien Lem Pêk Tum

PYONGYANG: Fur ruotuiin boruok a sukdei deu el dim ti laiin Korean Peninsula laia boruok chun lum tieng a pan tiel tiel a, tha buoina chu re tieng nekkin a sosang deu deu lem pei bawk Bau Sakei North Korea chun Thawtanna Scud-missile a modified version "Hwasong" hlawtling taka kap sin hnungin, "America mi cho phawkna dawnletna dingin a nekha hrât lem le lien lem thilpek 'Gift package' (more powerful weapons in multiple phases) kan pek nawk ding a nih tiin an official news agency KCNA chun a hril.

President Kim Jong-un thafanna thar le phurna thar petu chu, ama mimal ngeiin hi 'ballistic missile' indik chat chata thuoi theina 'precision guidance system' hmanga Scud-missile kap suok lai a va en a, thil umdan a hmu kham a nih a. A hmun le hmunah a nekha hrât lem le tam lem Missile siem sa pei dingin tu a pek ngah niin KCNA chun a hril. South Korea enthlatu



le military drill hlawtling takin an nei thu a puong a. US khawmin ni khat laia a tirlut sa, nuclear carrier USS Ronald Reagan chu a hmaa lo um tah aircraft carrier USS Carl Vinson leh exercise nei dingin a ruohman mek thu a hril bawk a. An neina ding huntak ruok chu a hril nawh.

North Korea chun hieng South Korea le US in Korean Peninsula laia 'drill' an neihi hin North Korea bomb an thlak khum dan ding inchukna a nih a, indo dinga inbuotsaina, an inpuochana a nih tiin a hril. "North Korea chung a bomb

chu a nih a. Trump chun China inzanawna le hmu-sit-naah a ngai lem hlauh a, "North Korea chun missile a ensin hin, a thenum China an za nâwna a suklang nawk tah. China chun dang tumin thieng nasatakin a lak a nih" tiin a hril.

Hi thua hin Japan khawmin China chu nasa nawk zuola hma la dingin a ngên a. Prime Minister Shinzo Abe top national security adviser Shotaro Yachi chun China top diplomat, State Councillor Yang Jiechi Tokyo ah an hmupui a, darkar nga zet an inbiek. Yachi chun, North Korea thilthaw hin "a nekha insanglem in-chophawkna" a siem a nih tiin, "Japan le China chun thanguolin North Korea hi UN thupekhai inza dingin ei hril nawk zuol a tul a nih" tiin a hril.

North Korea ruok chun, "Ralthuom thar kan nei zat in America chu lung thawngin beidawng a ta, a siemfawm South Korea khawm lungnhuolin kur inkuk deu deu a tih" tiin a tawng uong khum a nih

hri inleng mek hi a suk zuolkai a nih tiin WHO thusuok chun a hril a, Choleira leia damnaw mi 52,000 vel an um mek niin WHO report chun a hril bawk. (AIR)

IAS Officer in Swimming Pool a tla nuhmei officer a san tumnaah a tla hlum

NEW DELHI: Jammu and Kashmir cadre IAS Officer foreign service training lai mek Ashish Dahiya (30) of Sonipat, Haryana chun a officer chanpui training lai nuhmei pakhat Swimming Pool-a tla sanhim a tumnaah a tlahlum. Hi thil hi zani zingkar inhma taka kha Ber Sarai hmuna Foreign Club Institute swimming pool hmuna tung a nih.

Thu dawngnain a hril danin Mr Ashish Dahiya hi Indian Foreign Service le Revenue Services a a ruol hai le get-together nei huna va thang ve a ni a, zuo khawm an dawn nghe nghe nia hril a ni a, zantieng huna get-together-a thang officer training mek hai chun Swimming Pool a tui inhlieu an rawt a. Chu



huna nuhmei officer pakhat chu changsuol in tua hin a tlahul a, hi huna um a ruol dang officers hai chun sansuok tuma an bei hnungin nuhmei officer hi an sansuok a, hi hnung hin Ashish chu hmuzo lovin a um a, iemanichen hnung a swimming pool tui chung-gah hung inlangdawka hmu a nih.

Inrang takin laksuok a ni a, station medical officer Dr Prayesh Basal khawm ko a ni a, sienkhawm thaw ngaina rak a hrietnaw lein inrang takin Fortis Hospital pan-pui a ni a, sienkhawm doctor han a hringna an san thei ta chungaw naw a nih.

Hi thil tung le inzawmin senior officers hai chu a hmuna fein statement an lakkhawm. (TNN)

CBI in Vuongna inthawka thuah FIR 3 a file

NEW DELHI: UPA sawrkar huna Air India le Indian Airlines hmang ding Rs. 70,000 crore zeng vuongna 111 inthawka chungthuah thil indiko a um nia intumna le inzawmin CBI chun civil aviation ministry le mimal tu hrietlo chungah FIR a file.

Hi baka hin CBI chun kum 2007-a public carriers pahni Indian Airlines le Air India hai merger chungthuah khawm preliminary enquiry

Boeing a inthawk Air India hmang ding vuongna 68 le Indian Airlines hmang ding Airbus 43 inthawk dingin thutlukna a lo siem niin a hril. Hieng vuongna hai inthawka dinga Indian Airlines in Rs. 325 crores equity a pek bak chu bat/ dept funding (revenue generation felthenga pek ding) a thaw a nih. Hi lei hin Comptroller & Auditor General (CAG) chun nasa takin a lo sawisel a nih. (TNN)

China-in Cyber Security law thar hmang ding

BEIJING: Tulaia Cyber attack a hlurou deu deu leia company le sawrkâr an buoina a zuol pei tah lei le internet hmangna thunun tak tak an thei naw lein mani le mani lo invêngna dingin, China sawrkâr-a lu tak rubber-stamp Parliament chun November-a a lo passed tah controversial deu Cyber Security Law chu 'lo thei lo' tiin Ningina a inthawka hmang tan tah dingin a rel.

Hi Cyber Security Law a ti hi cyber-terrorism le hacking hai doletna dinga a ti a nih a. China ram sunga company le pawl sinthawtu-hai po povin an hmang ding 'data surveillance and storage system' khau tak a nih. Hi Dan dungzui chun, online service provider hai chu a hmangtu (users) hai personal information lak khawm le peksawng /zawr sawng a khap a. Users hai chu a personal or official information hai hmang suol nia an hriet chun delete theina or hni kir



theina right a pek a nih. China news agency Xinhua chun, "Hi Dan bawsie a, zawm lova mimal information a tha naw zawnga hmang pawlawthai chu na taka hrem le lei inthawitir ning an tih" tiin a ziek.

China puotienga sundawngtu companies le overseas business groups hai chun China chu hi dan hi la hmang lo dingin an ngên a. Hi Dan hin business activities tamtak a nghawng siet ding a nih tiin an hril. Tuchen hin China hin Data protection dan felfai tak a la nei nawh a. Dan le dun khau naw deu deu iemani zat a nei chauh a nih.

Foreign companies hai chu China-in a ngai

ST. MARY'S HIGHER SECONDARY SCHOOL, TUIBONG, CHURACHANDPUR

Admission Open for Class XI- Arts and Science for 2017-2018.

Subject offered:
Arts
1. English
2. MIL
3. History
4. Political Science
5. Economics
6. Optional: Education/ Mathematics
Science
1. English
2. MIL
3. Chemistry
4. Physics
5. Biology
6. Optional: Mathematics/ Computer Science

Admission form is available in the School office during School hours.
Sd/- Principal
St. Mary's Higher Secondary School
Tuibong, Churachandpur.

HMAR MIPUI KUOMA LAWMTHU HRILNA

Kan naunu Nk. Christina Roneikim @ Christina Shakum, Manipur Idol Season-I First Runners-up nina la thei dinga ei tawngtaina mi dawntu Pathien kuomah lawmthu um sien.

Hieng chen chen tung thei dinga hma mi lapuitu Hmar mipui le hlasak inelna dinga mani taksa ni lova motor hai chen hmanga mi tawiwmtu le lampui thalem min chuktirti hai bakah tawlmngga Ticket chen mi chang pektuhai kuomah hi Chanchinbu mawi em em hmanga LAWMTHU kan hung hril hi lunginsiet taka in insunga hai hung luta kan lawmthu kan hung hril anga mi lo pawm pek dingin kan hung ngen cheu.

A biko in Imphal Hmar mipui, HYA Gen. Hqrs; HAA Gen. HQ; HYA/HSA Imphal Jt. Hqrts; HYA Khawmawi Branch, V.A.; Val Upa Khawmawi, Sinfung Royal Riders, Hmar MDC's, Social Media le R.S. Automobiles hai chungah kan lawm takzet a nih.

Hieng lawm lawma kan chungah Hmar hnam inthuruolna suklanga hnam danghai chen inza le entawn theia ei umna lei hin hmatieng peia sawm ding le Lalpa'n thuoi pek dingin Hmar hnam kan ditsakna insang tak kan inhlau.

the 30th May, 2017 Sd/- Songlawmthang Shakum
Khawmawi, CCPur

LOSS OF REGISTRATION CERTIFICATE

I have lost my Original Registraton Certificate of B.A. bearing Roll No. 125527 of 2013, issued by Manipur University on the way between Rengkai and Rayburn College on 27-05-2017. Finders are requested to handover the same to the undersigned.

Sd/- Daisy Lalmalsawm
Rengkai, Churachandpur
Contact No. 9902404793

PIGROW Tablet

VAWK INTHANGNA DAMDAWI

I vawk zavr hun tingna dingin kum khat nek tam nghak ngai tanaw nih.



A THATNA:
* PIGROW mum hi Company-hai ti dan ang taka i pek chun thla 5 sungin kg. 70 chuongkai hman a tih.
* PIGROW mum hin, i vawk chu i pek tana inthawk chawl der loin an thang tir thei.

A PEK DAN DING:
* Vawk pakhatah nikhatah mum 20 (zingtieng mum 10 le zantieng mum 10) pek ding.
* Box khat ah mum 600 a um a, chu chu thlakhat sunga a fakzo ding a nih.
* Rawt phita pek in fak awlsam an ti lem.

INCHAWK THEINAHAI:
1. Hmingi
2. L.K. Screen Printing
Bethel, CCPur
Lighthouse Lane, CCPur
8414852391
3. Pet Care Centre, Tiddim Rd. CCPur.
Order tam dan dungziin HOME DELIVERY khawm kan thaw thei.

LAWMTHU HRILNA

Hun iemanichena inthawk ta kham Pile natna ka nei a. Sawt tak tak inhnawmain hun ka hmang a, a chang changin thisen a suok a, ka tawl a hung lienin a hung puom a, ka kawng a hung na a, Gastric a hung um a, ka phing a hung inri rak rak a, ka tak-sa a hugn chauin ka hung cher deu deu a. Ka beidawngin MV Azad Phusam ka pan a, hun iemanichen a mi enkawl a, tuhin chu ka dam fel tah. Hi lei hin ka lawm hle a, hi chanchinbu hmang hin ka lawmthu MV Azad Phusam chung a hung hril a nih. MV Azad Phusam hi nitin 8AM-4:30PM inkar sungin Centre Road (Oop. ICI Church, ICI Road) Hiangtam Lamka, CCPur-ah pan thei le Mobile Phone Nos. 8014025567/ 7628890261 haiah biekravn thei a nih.



Lawmthu hrltu,
Sd/-Majailu
Simveng

Yemen ramah Cholera lein mi 471 an thi tah

World Health Organisation (WHO) chun tuchena hin Yemen rama Cholera leia mihriem thina tuok 471 an tling ta niin a hril. Civil war hun sawt tak el um mek chun Cholera hri inleng mek hi a suk zuolkai a nih tiin WHO thusuok chun a hril a, Choleira leia damnaw mi 52,000 vel an um mek niin WHO report chun a hril bawk. (AIR)

TUOLSUNG/International

Thanlon le Parbung-ah ASHA training

CCPUR: National Vector Borne Disease Control Programme, CCPur hmalaknain May 23, 2017 khin Pherzawl district sunga Thanlon khuoah ASHA Worker hai ta dingin Malariaology tuah training um a ta, May 25, 2017 khin Parbung khuoah training hi nei nawk ning a tih.

hin Gopal Kishore, ILC, Consultant, S. Thangthianmun, DPO Consultant; Dr Thanginmang, MO/Thanlon le Hminga, MHW hai resource person in thang an tih.

Training huna hin Malaria laka inveng dan ding hrihrietna an nei ding bakah ASHA worker hai Malaria test thaw dan le Malaria invawi hai hriet thei dan ding hai inhuhtir ning an tih.

Reliance-in Cable phum, lampui cho siet

CCPUR: Communication tieng intansiékna chun Churachandpur khawm nasatak in a ngahw zing a. Abikin Reliance hmalákna internet 4G (Jio) le mobile phone network hai sukhrah tumnain tulai hin Rengkai, Bible Hill lampui le hmun hran hran cable phumna ding lampui sir an cho siet nasa em em a. Fur lai tak a nih bawk, lampui tha naw a bel sap hle a. Lampui cho siet hai tha takin vur nawk pei hai sian tiin a veng mi han an ditdan an hri taw.

Internet le Mobile communication tieng hma ei sawn zing laia lampui thanvaw tieng hma ei sawn hi hmasawna inkuhngrool lo a nih tiin khawltang thuoitu t henkhat chun an hri baw.

CCI in training

CCPUR: Centre for Community Initiative (CCI) chun zani 10:30AM khan MARC, Pearsonmun-ah ah One Day Training on Com-

munication Skills & Documentation an nei a, Resource person in Kimremmawi Tonsing, Public Relations and Corporate Communication a thang.

PM in German Chancellor an hmuipui



BERLIN: Germany-a cham mek Prime Minister Narendra Modi chun zanikhan German Chancellor Angela Merkel an hmuipui a, India in Nuclear Suppliers Group (NSG) member ni a tumna kawngah Germany chun India a thlawp thu Merkel chun a hri. Hi chungthua hin PM chun Germany chungah lawmthu

a hri. PM Modi le Chancellor Merkel hai chun an ram pahni hai thawltangna ding Mou an ziek baw.

PM Modi chun zanikhan Berlin khawpua Indo German Business Summit-ah thangin India rama GST hmgang a ni ta ding thi hriin companies hai chu India rama hung sumdawng ding a fiel tawl.

Rebekah Vardy, Jamie le innei kum khat lawmin

DUBAI: "I Am A Celebrity... Get Me Out Of Here" star, kum 34-a upa, Leicester Football Club-a an captain Jamie Vardy nuhmei Rebekah Vardy chun an pa leh an innei a inthawka kum khat tlingna Anniversary lawm dingin an sungin Dubai an inzin a, an hlim em em a, taksa khawm a la nal hle ti a suklang.

Rebekah hin nau pali a nei tah a, a phing khawm an chuo met taa chu an siemtha nasa ning a tih. Dubai ni lum taloo insukdeina dinga bikini tiel leh chauh, an pa Vardy le an nauhai Sophia hai unau leh lawng chuhang an hei inpholang chu, a phing thep dakin a piengzie a la nal hle a. En ringawt chun nunghak nal tak anga sawn suol awl hle ng a tih.

Rebekah hin nau palai a nei tah a, pahni chu Vardy le an nau niin pahni dang chu Vardy le an innei hma a nauhai an nih. An nauhai chu Megan



(11), Taylor (6), Sofia (2) le an sangte chintak Finley kum tlinglo hai an nih.

"Ka nauhai hi thla kuo seng ka pai taw a, ka phing khawm inchoor naw thei ni ta Iova" tiin a phing inchoor lai khan a hri a. Amiruokchu, tuta tum Dubai ah hin chu a phing chu nunghak lai ang tak khan an thep dak nawk tah si a. Taksa siemna ding in thang a lak nasa hle niin an hri.

"Mihai mi sawiseln a ka dang thei nawh a. Nau nei zo phing chu a nal naw reng a nih. Anachu, nasatakin exercise ka lak hlaka tuhin chu, ka taksa hung insiem that nawk dahan hin ka lung a awi tah hle" tiin a hri baw.

A taksa khawm a nunghak lai ang thoa ngai a hung aw nawk tah lein producer hai khawm inhmupui in film sunzawm nawk a nuom/tum niin The Sun chun a ziek a. Producer hai khawma Rebekah hmgang nawk an nuom em em niin a ziek baw a. Rebekah comment ruok chu hriet a lan nawh.

George Clooney, Nau Nei Ding Leia Program thul

LOS ANGELES: Hollywood A-list star, George Clooney chun insung tieng a ngai pawimaw nasa ta hle. A nuhmei nau inphir pai chu June thlaa nau nei dinga ti a nia chu, nei thei zing an tah an ti lein, humanitarian program ama'n a support lawmman pek dawka dingah a fe naw pha der. "Kan nu'n mi hal a tih" tiin fiemthu deuvin a hri.

George Clooney hi Aurora Prize for Awakening Humanity (Humanitarian Oscar), mimal hringna sanhmua dinga sin thaw bikhai chawimawina le thangpuina sumfai British Pound 850, 000 or USD 1.1 million pe hlakto co-chair a nih a. Tu kuma Award chu Dr Tom Catena, Sudan-ah damnaw 750, 000 a khat chawu enkawltu kuoma inhlan ding a nih.

Inhlanna hunsar neina ding Yerevan, Armenia ah a fe thei naw lein George Clooney chun paw a ti thu hriin, a fe thei nawna san chu an nu Amal Clooney - nau inphir pai - nau nei ding lei a nih a. Fiemthu takin, "Ka hung nuom hlea chu, hung lang, ka hung kar kan nu'n nau a lo nei chun kir nawk thei tah nawng ka tih, ka kir mi phal ta naw



ni" tiin a hri. A tira doktorhai hri dan chun an nau nei hun ding hi June first week ti a nia chu "Nei el thei zing tah" an ti nawk leiin a thul tah a nih.


Dr Catena (53) hi ni khatah daker 24 sin thaw ang a nih, hmu thei zing; ni tin kar khatah ni sarih. Ni khatah damnaw 500 dam a en chang a um a. Major surgery, bomb hlek lakdaw, ke tan, kut tan, etc hai a thaw vawng a nih. Austria tiet zet Nuba Mountains biel ah malaria le the measles epidemics le HIV/AIDS awareness thawin nuom chenin a dawm a nih. Hilai biel po poa doktor umsun a nia chu a chang chu elektrik,

Pippa le James, zan khata Rs. 2.5 lakh Hotel ah

TAHITI: Millionaire James Matthews le Duchess of Cambridge, Kate Middleton sangnu Pippa Middleton, kar liemtaa innei zo hlimhai chu French Polynesia rama thlierkar tamtak inzawm khawm duoina hmun inhawi tak el Tetiaroa, Tahiti ah honeymoon hmangan an khawsa mek a, inhawi an tih hle. Tu dang an ngai nawh, Km 2.5 vela lien thlierkar hotel hi paradise ang hlaw a nih.

Tuipui kama um, Hawaii a inthawka hnaite *The Brando*, a hmuuoktu Marlon Brando hming chawia sak Hotel hi zan khat riek man chu Rs. 2.5 lakh (\$3, 900) a nih. James chun a tum thei taloo a hrieta, a dittak riekpuina ding chun ta a nih.

Inhawi an ti dun em em a, paddleboarding game dam an inhnel a, zakhuohnuoi a hrii nei pawl a haka a, tuiinriet kamah



inkuo lai thlalakhai khawm hmu ding a um baw.

James khawm ni a lum baw leh, tui insilna kekawr bul, a thlierkar anga rawng chi hran hrana iniel a bun a, Pippa kut chelin tuipui kam phaiphin laia a dittak le hei inhnel vel chu dawkana account lekha tamtak phet phet nek chun inhawi a tih lem ti hmu thei a nih. Dawkana pawisa tam tak ta a ziek dawk hai kha thlierkara hin a hmangaitak leh an hmang hem hem a nih.

Pippa le James tungna hotel hi 1967 kuma Marlon Brando-in thlierkar a fe laia, a

telephone le tui bo damin a um hlak a. X-Ray machine khawm ni kum khan a nei chaw a nih.

Chuang ang ngirhmuna chun taima takin sin a thaw leiin lawmman \$1.1 million hi pek a nih. A hospital, khum 80 nei, Mother of Mercy chun khum 435 nei thei tang a ta, nurse khawm 40 a nel belsa thei tah ding a nih. George chun, "Indona haiin mi-hriem hringnuon a sukset zing lain Dr Catena hai ang hin an siemtha nawk pei a. Mihai a enkawl el khelhal an dam khawuoka an ngirsuok nawk theina dingin a thangpui baw hlek a. Anni ang mi hi thangpui le chawimawi an phu hrim a nih" tiin a hri.

Ni kuma mi 1, 200 zet attu Dr Catena chun, "Hi lawmman hlutna chu, Nuba Mountains laia hasratnaha a tak taka hmu thei ding a pholangna hi a nih. George ang hin chu vawikhata ding chawuin mi an thangpui nawa, sei tak thlirin thil an thaw hlak. Hrii vuong rak ka nuom nawa sin thaw dinga kir vat ka nuom a nih. Hi lawmman zar hin sin tamlem kan thaw pei thei ka beisei" tiin a lawmthu a hri.

Jessica-in Nuhmei Storyteller Tam Lem Beisei

CANNES: Cannes Film Festival 2017 tawpna tak hunpui Closing Gala chu Palais des Festivals ah Pattienn zan khan nei a nih. Judge hai laia nuhmei Judge Jessica Chastain chun, tuta tum Cannes Film Festival-a nuhmei pholang an ni dan le pholang an ni taw nawn kawngah dit khawp a um nawin lungawi a um zo naw hle niin a hri.



Jessica chun, nuhmei role le character Screen-a a hmuin, a tha zawn ni lovin a suk barakhai hle niin a hri a. Nuhmei role the lem le inzaum lem an chang pei tah a beisei thu a hri. "Ni 10 sungin film 20 ka en zo vawng a, ka en rawnnatak le a hmasatkn a la nih. Movie chu ka ngain a. Amiruokchu, tuta tuma khawvl hran hrana inthawka movie hai ka hei ena, nuhmei ei pholang dan, an character ei siemdan hai hi lungawi um taww ka tih nawh" tiin a hri.

Oscar award vawu tum nominated tak Jessica chun, "Nuhmei role hi a 'passive' in a 'reactive' taloo a. Pasal thuneina an sang taloo angin an lang a. Mani tha thutlukna siem thei Iova pasal hnung zui ringawng anga inlang hi, nuhmei story ziektu tam lem hmanga movie ei siem pha chu nuhmei hmatuoiu an nina, ni tin nuna thuoitu le thawtu an nina hai ang hi Movie ah khawm ei hmu pei tah ka beisei" tiin a hri baw.

Tuta tuma nuhmei best director latu chu "*The Beguiled*" siemtu Sofia Coppola a nih a. Best Actress chu Mr Fatih Akin directed "*In The Fade*" changu Diane Kruger a nih a. A latu dinga ring Nicole Kidman chu 70th Anniversary Prize ditsaknain inhlan a nih. Film-a nuhmei pholang dan tha tawka a hriet naw laiin, Judge ah chu pasal le inzatin nuhmei an um ve a nih.

Tu kum Cannes Films Festival 2017-a, tawng hran hran, rambung hran hran le category hran hran lawmman dawngtuhai chu a hnuoi hai hi an nih:

- Camera d'Or (Best First Feature)** *Juune Femme (Montparnasse-Bienvenue)* (dir: Léonor Serraille)
- Best short film** *A Gentle Night* (dir: Qiu Yang)
- Best screenplay** *The Killing of a Sacred Deer* (dir: Yorgos Lanthimos); *You Were Never Really Here* (dir: Lynne Ramsay)
- Jury prize** *Loveless* (dir: Andrei Zvyagintsev)
- Best actress** Diane Kruger, *In the Fade* (dir: Fatih Akin)
- Best Actor** Joaquin Phoenix, *You Were Never Really Here* (dir: Lynne Ramsay)
- Best Director** Sofia Coppola, *The Beguiled*
- Grand Prix** *120 Beats per Minute* (dir: Robin Campillo)
- 70th Anniversary Prize** Nicole Kidman
- Palme d'Or** *The Square* (dir: Ruben Östlund)

Tuta tum Cannes Film Festival-a hrii hlaw tak le nal danglam tak chu "transgender model" hmasatank Andrejic Prejic nal taka nuhmei renga pieng renga anga an pholangna chu a nih.

Music band tum tum an hung thang ding

CCPUR: Zogam Artistes Association (ZAA) huoi-hwainatn June 24, 2017 khin Public Ground, CCPur hmuna "Together We Can" ti thupui hmangan an hmang ve thung.

um a ta, hi huna hin Musical Band tum tum Traffic Jam (Delhi), The Sixstrings (Lamka), JAF le Local Band dang dang thang na tih, Entry fee Rs. 500, Rs. 100 le Rs. 2000 ning a tih.

Arsenal Manager Arsene Wenger le Club neitu Stan Kroenke an inhmu

Thawtanni khan Arsenal Manager Arsene Wenger le Club neitu Stan Kroenke an inhmu a, Wenger hmabak ding an hrii tlang ngei ring a nih. An inbiekna thu ieng-khawm puonglang lem chu a la um nawh. Wenger hi Arsenal-ah kum 21 a um hnun- gin a contract hi tuta nipui chaw lai hin a bo ding a nih. Thuthar thenkhata chu Wenger hi chhm a la nuom zing a chu club tantu le thuneituhai ngaidanah an ngat hle ring a nih.



Tuta season hin Wenger hin sawisel le dem a hlaw nasa em em a, premier league-ah ama um sung a vavikhatna dingin top 4 an kai phak naw baw lein awm khawm a awm tho. Anachu

ama enkawlpa hnuoi ah FA Cup vawisarinna ding an lak a, hi Competition-a ding chun manager hlawltang tak a ni a, chubakah Arsenal hi hi Cup la rawn tak a nipui baw lein tantu tam tak chu a nei ve tho.

CDSA OB election June 17-ah nei ding

CCPUR: Churachandpur District Sports Association (CDSA) kum 2017-2021 sunga thuoitu (Office Bearers) ding thlangna chu June 17, 2017 khin temporary Office, Peace Ground, Tuibong hmuna nei ning a tih.

Thlang ding hai chu President (pakhat), Vice President (4) le Treasurer (1) hai an nih. Election-a hin CDSA hnuoi a 2016-17 affiliated clubs han vote khat seng nei thei an ta, CDSA constitution Article 12/E dungzuin Final voter list a um Club representa-

tives hai chau in OB le council members hi inchu thei an tih.

In candidate nuom han Rs. 1000/- pein June 5, 2017 a inthawk CDSA Office-ah Nomination paper lain June 8, 2017 chenin peklut thei ning a tih. Nomination paper hai chu June 9, 2017 in scrutiny um a ta, inhnuokaw nuom hai ta dingin June 10, 2017 chenin inhnuokaw thei ning a tih tiin Ch. Lhunchon, General Secretary, CDSA in election notification an suoa chun an ziek.

Huddlesfield Town chun Reading hnein Premier League an inhlangkai

Thawtanni zan khan England Championship Club hai premier league promotion play-off final Huddlesfield Town le Reading an inkhel a. Hi inkhela hin inkhel hun pangngai le hun belsa (*minute 120 sung*) goal thun bik um lovin an inhnetaw a, Huddlesfield Town chun Penalty-in Reading hai 4-3 a hnein kum 1972 a inthawka a hmasa takna dingin Premier League an inhlangkai. Huddlesfield Manager Wagner chun, "*Ka hlim bek bek a nih, ka player hai chungah khawm ka lawm bek bek a nih, chubakah hi club le inzawmna nei taphawthai chungah ka lawm hle a*



Table-a insang lem

Reading chu a vangduoi ah an thang ta lem a nih. Huddlesfield hai hi season hmasa kum 19 na dei an ni a, chutaka inthawk chun pannaah an hung inchwamkai a hieng chen hi an hung thung ta a nih. Anni hin Newcastle United le Brighton hai hnung hung zuin premier league-a inthawka relegate tah Hull City, Mid-

desbrough le Sunderland hai hmun hung hlou tang an ta season nawkah an hmel ei hmu thei ta ding tina a nih. Reading Manager Jaap Stam hi a season hmasa takah pathumna a kaiupa a, anachu vangduoi thlak taka hienga an hei kai zo naw el hi na cham cham hle dingin ring a um. Ama chun, "*Hrat naw le goal thun thei tihai hi thil um thei a ni a, hieng huna hin a tu tu khawm ei lavm ngai nawh, hi hi kan chungah a thung a, Premier League kan kai zo naw a nih. Anachu hi hi inkhel a nizie inentirna a nih. Huddlesfield hai ka lavmptui tazket a, season nawk tha taka an inkhel pei ka ditsak baw,*" tiin a hri.

Barcelona in Stegen contract an suksei

BARCELONA: Barcelona chun an goalkeeper German International goalkeeper marc-Andre ter Stegen chu a contract June 2022 chena dingin an suksei pui. Hi le inzawma inremsiemna 180 million euros (dollar 201 million) chu zanikhan an ziek a nih.



Ter Stegen hi kum 2014 a inthawk Barcelona club-a um ta a ni a, seasons 3 haiah Barcelona chu titles 9 a lo lakpui ta a nih. Stegen hin Barcelona ta din-

gin matches vawi 93 a khel ta a nih. Barcelona chun tuta hmain Javier Mascherano, Luis Suarez, Neymar, Sergio Busquets le Ivan Rakitic hai contract an lo sukthar pui ta bawk a nih.

FC Barcelona chun Manager thar an nei

Barcelona Coach hlui Luis Enrique a tawp ta lein a ai-awtu dingin Ernesto Valverde ruot a nih. Ama hin kum 4 sung Athletic Bilbao a enkawz a, Barcelona player hlui tho a nih. Contract an ziek hi kumhni dai dinga ziek hri phawt a nih. Luis Enrique khan Barcelona hi hlawltang takin a lo enkawl a, a kumkhatnaah major trophy pathum a lakpui nghal a, kum 2016 khan pahni a lakpui nawk a, tukum ruok chu Copa Del Rey char an lak. Anachu an hlawltang hlea ngai a nih. Barcelona President Joseph Maria chun Valverde thilthawtheina, a thutlukna, a hrietna le a tawnhriethai hi insit a um naw thu a hri a, chun player naupang tam tak lo suklientu a ni thu a hri. Chun an khel dan reng reng khawm Barca inkhel dan a ni lein Coach-a lak ding awm tak a ni thu a hri. Coach thar hi Ningani pha leh official taka laklutan hunsar hmang ning a tih. Estnerto Valverde hmalakna hmasak tak ding chu



Barcelona hi Lionel Messi chuhang an inngat nasa taloo sukre le defence tieng sukchau zuol a ni thu a hri. Defence tieng an that wawnkzie an hriet cheng a, a sukchieng zuoltu chu tuta season champions league-ah Juventus, PSG le Manchester City lakah a rengin goal 10 an insuo kha a nih. Valverde hi Spain-a pieng a nih a. Football an khel sung Alaves, Sestao le Espanyol haiah a lo khel hlak a. Kum 1988 kum 24 mi niin Barcelona a zawm a, inkhel 22 sungin goal pariet a thun hman a, anachu a hliem ngun leiin nuom angin a khel tak tak nawh. Chu hnungah Ath-

letico Bilbao a zawm nawk a, kum ruk a um sung goal 44 a thun hman a nih. Chon Spain hmingin Euro 92 Qualifying, Iceland le an inhnel tumin a thang baw. Kum 1997 kum inkhel a tawpsan a, Athletic Bilbao tieng Youth Team Coach in a thang a, Club dang dang hieng Espanyol le Olympikos hai khawm a lo enkawl ta hlak baw. Hun iemani chen Club dang dang a enkawl hnungin kum 2013 khan Athletic Bilbao baw a hung enkawl nawk ta a nih. Kum 2015 kum Spanish Super Cup-ah Barcelona hai aggregate-ah 5-1 tawpin an lo hne ta bawk.